

2492/18

U G O V O R o javnoj nabavci roba

zaključen između:

Javne ustanove Opća bolnica „Prim. dr. Abdulah Nakaš“
Sjedište: Kranjčevićeva broj 12, 71000 Sarajevo,
koju zastupa direktor Prim. dr. Zlatko Kravić,
Identifikacijski broj: 4200288400001,
(u daljem tekstu: Kupac)

i

«MESSER TEHNOPLIN» d.o.o. Sarajevo,
Ul. Rajlovačka b.b., 71000 Sarajevo,
koga zastupa direktor Valentin Ilievski,
Identifikacijski broj: 4200350720000
Transakcijski račun: 1610000001500019
Naziv banke Dobavljača: Raiffeisen bank d.d. Sarajevo
(u daljem tekstu: Dobavljač)

PREDMET UGOVORA

Član 1.

Predmet ovog ugovora je nabavka roba: Isporuka medicinskih gasova

dalje: roba , koju će Dobavljač dobiti Kupcu u skladu s odredbama ovog ugovora i sljedećim dokumentima koji čine sastavni dio ovog ugovora u obliku njegovih priloga i to:

- Ponudom / specifikacijom Dobavljača br. 2-P-105K/18 od 08.05.2018. godine – dalje: ponuda Dobavljača - (Prilog 1), (ugovorne strane podrazumijevaju da kompletna ponuda Dobavljača koja je dostavljena po predmetnoj nabavci sa svim dostavljenim dokumentima / aktima / dokazima / nacrtima / specifikacijama i dr. čini sastavni dio ugovora sa tim da se zbog obimnosti iste uz ugovor fizički vežu samo dokumenti iz ponude koji se odnose na osnovne komercijalne i tehničke elemente ugovora / nabavke), dostavljenom po pregovaračkom postupku bez objave obavještenja broj JN-32/18.

#7

CIJENA

Član 2.

Cijena koju će Kupac isplatiti Dobavljaču za robu iz člana 1. Ugovora iznosi:

- Cijena bez PDV-a: 124.490,20 KM;
- Porez na dodanu vrijednost (PDV 17%) = 21.163,33 KM;
- UKUPNA VRIJEDNOST / CIJENA sa PDV-om = 145.653,53 KM
(slovima: stotinučetredesetpetiljadašeststotinapedesetri i 53/100 KM).

Sredstva za predmetnu nabavku su obezbjedena na osnovu Plana nabavki za 2018. godinu broj 24-21/18 od 26.01.2018 godine (stavka 87).

Fakture se ispostavljaju na dan dostavljene robe, a najkasnije tri dana po isporuci robe.

Član 3.

U slučaju promjene ulaznih troškova, strane su saglasne da dogovorno razmotre promjenu ugovornih cijena. Ukoliko Kupac traži plinove boljeg kvaliteta ili plinove koji nisu gore navedeni, a to su: specijalni kalibracioni plinovi i mješavine ili plinsku opremu može odabrati bilo koji plin iz programa „Messer Tehnoplina“ d.o.o. Sarajevo koji ispunjava tražene zahtjeve, a čija će se cijena i način isporuke dogovoriti posebno sa Kupcem.

Kupac se obavezuje da će izvršiti uplatu sredstava u roku od 60 (šezdeset) dana od dana isporuke robe i dostave fakture.

OBAVEZE UGOVORNIH STRANA

Član 4.

Ugovorne strane su saglasne da se prijem robe izvrši zapisnički putem Komisije koju sačinjavaju po 2 (dva) ovlaštena predstavnika svake ugovorne strane.

OBAVEZE DOBAVLJAČA

Član 5.

Dobavljač se obavezuje da robu koja je predmet ovog ugovora isporuči prema utvrđenoj specifikaciji, uslovima iz pregovaračkog postupka bez objave obavještenja i prihvaćenoj ponudi.



Član 6.

Dobavljač će robe isporučiti Kupcu u franco skladištu kupca, S.S.Kranjčevića 12, Sarajevo u roku do 72 sata od pismene narudžbe u radno vrijeme.

Član 7.

Dobavljač garantuje sljedeći kvalitet plinova sa skladišta MESSER-a: Tečni kisik u rezervoaru – 99,5%, Kisik tehnički u bocama ili baterijama Tip 40 ili 50 l – 99,5%, Kisik tehnički u bocama Tip 40 ili 50 l - 99,5%, Dušični-oksikul u bocama Tip 10 i 40 l – 99,5%, Ugljični dioksid u bocama Tip 10 do 50 l – 99,5%, Propan-butan plin u bocama od 10 ili 35 kg – 99,5% i Acetilen u bocama 99,5%.

Ukoliko Dobavljač isporuči plin kvalitete niže od navedene u prethodnom stavu roba se smatra ne isporučenom.

Dobavljač je obavezan da o svom trošku održava postrojenje za tečni kisik, te da na poziv Kupca otkloni sve nedostatke koji bi se eventualno pojavili na postrojenju. Rezervne dijelove i svu potrebnu dokumentaciju za funkcionalan rad postrojenja obezbjeđuje Dobavljač os svom trošku.

Dobavljač ne snosi troškove opravke na postrojenju nastale nepravilnim rukovanjem.

OBAVEZE KUPCA

Član 8.

Kupac je dužan osigurati nesmetan prilaz vozila, te brz istovar i utovar boca i nesmetano pretakanje tečnog kisika. Smatra se da je Kupac ispoštovao ovu odredbu Ugovora ukoliko od momenta dolaska vozila pred kapiju Kupca do njegovog izlaska iz kruga Kupca ne prođe više od dva (2) sata. Za svaki dalji započeti sat zadržavanja vozila plaća se naknada u iznosu od 50,00 KM/sat.

Član 9.

Kupac treba provjeriti stanje ispravnosti boca u trenutku preuzimanja. Na njegov teret su: odgovornost za nepravilno korištenje, prevoz, čuvanje i oštećenje boca. Fizičko oštećenje ili nedostatak boca ukoliko se utvrdi prilikom predaje praznih boca Dobavljaču, što se konstatuje u zapisniku koga potpisuje i predstavnik kupca, kupcu će se posebno naplatiti.

Član 10.

Kupac je obavezan vratiti bocu na ponovno punjenje pod pritiskom od najmanje dva (2) bara. Ukoliko se boca vrati ispod tog pritiska smatrat će se onečišćenom, a Kupcu će se ponovno čišćenje naplatiti.



Član 11.

Kupac se obavezuje da neće iz bilo kojeg razloga, dozvoliti da se boce koje je dobio na korištenje od Dobavljača pune plinovima drugih dobavljača, te da na bilo koji način neće preprodavati ili privremeno ustupati boce i plinove trećim osobama.

Član 12.

Ukoliko dođe do sumnje u kvalitetu robe, Kupac ima pravo zahtjevati provjeru kvalitete na mjestu pružimanja.

Član 13.

Kada Kupac vrši narudžbu plinova u svoje skladište obavezan je da dostavi pismeni zahtjev za isporuku plinova po ovom ugovoru najmanje jedan (1) dan unaprijed za komprimirane plinove, za tekući kisik najmanje pet (5) dana.

Član 14.

Kupac je obavezan da osposobi stručne radnike za rukovanje postrojenjem. Za ovo im stoje na raspolaganju stručne službe Dobavljača.

BANKOVNE GARANCIJE ZA OSIGURANJE IZVRŠENJA UGOVORENIH OBAVEZA

Član 15.

Dobavljač je, u smislu osiguranja izvršenja obaveza po ovom ugovoru, obavezan Kupcu dostaviti sljedeću безусловnu originalnu bankarsku garanciju (prema obrascu utvrđenom od strane Kupca):

- garanciju za uredno izvršenje ugovora / dobro izvršenje posla u iznosu 10% ukupne vrijednosti Ugovora sa računatim PDV-om, sa rokom važnosti garancije: rok izvršenja ugovora + 30 dana;

Dobavljač će garanciju iz prethodnog stava dostaviti u roku od 10 dana od dana zaključivanja ovog ugovora / obostranog potpisivanja ovog ugovora.

Garancija za uredno izvršenje ugovora dostavlja se u originalu. Garancija ne smije biti ni na koji način oštećena (bušenjem i sl.) jer probušena ili oštećena garancija se ne može naplatiti. Ukoliko garancija za uredno izvršenje ugovora nije dostavljena na propisan način, shodno uslovima iz tenderske dokumentacije i u roku iz prethodnog stava, zaključeni ugovor će se smatrati apsolutno ništavim.



REKLAMACIJE

Član 16.

Kod preuzimanja plinova Kupac je dužan pregledati ambalažu, te potpisom na otpremnici ovjeriti količine isporučenih plinova.

Ukoliko se uoče količinski i kvalitativni nedostaci Kupac je dužan najhitnije o tome obavijestiti najbližeg ovlaštenog predstavnika Dobavljača, a najkasnije u roku od tri (3) dana.

Reklamacija se mora podnijeti u pismenom obliku.

UGOVORNA KAZNA, ZATEZNA KAMATA

Član 17.

U slučaju kašnjenja u isporuci robe Kupac će zaračunati i naplatiti Dobavljaču na ime ugovorne kazne iznos od 1% ukupne vrijednosti robe čija isporuka kasni za svaki puni dan zakašnjenja počev od prvog dana docnje do maksimalnih 5%, ukupne vrijednosti / cijene Ugovora.

Kupac ne može zahtijevati ugovornu kaznu ako je primio ispunjenje obaveze, a nije bez odlaganja pismeno saopštio Dobavljaču da zadržava svoje pravo na ugovornu kaznu.

Na zakašnjenja plaćanja Dobavljač će zaračunavati Kupcu zatezne kamate prema primjenjivom / pozitivnom propisu.

VIŠA SILA

Član 18.

Ako slučaj više sile, potpuno ili djelimično spriječi izvršenje obaveza po ovom ugovoru, ugovorna strana zahvaćena slučajem više sile je obavezna da o nastanku slučaja više sile, o vrsti i o eventualnom trajanju više sile pismeno obavijesti drugu ugovornu stranu u roku od 7 dana od nastanka slučaja više sile. Ako se blagovremeno ne javi nastupanje slučaja više sile, ugovorna strana koja je pogođena tom okolnošću ne može da se poziva na nju, izuzev ako sama ta okolnost ne sprečava slanje takvog obavještenja.

Pod višom silom, u smislu prethodnog stava, smatraju se spoljni i vanredni događaji koji nisu postojali u vrijeme potpisivanja ovog ugovora, koji su nastali mimo volje ugovornih strana, čije nastupanje i dještvo ugovorne strane nisu mogle spriječiti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

Kao slučajevi više sile smatraju se sljedeći događaji: rat i ratna dještva, pobuna, mobilizacija, štrajk u preduzećima ugovornih strana, epidemija, požar, eksplozije,

saobraćajne i prirodne katastrofe, akti organa vlasti od uticaja na izvršenje obaveza i svi drugi događaji koje nadležni organ priznaje i proglašuje kao slučajeve više sile.

Za vrijeme trajanja više sile obaveze ugovornih strana po ovom ugovoru miruju, ne primjenjuju se odredbe Ugovora o ugovornoj kazni, sa tim da se rok za izvršenje obaveza ugovornih strana produžava za period koji odgovara trajanju slučaja više sile i razumni rok za otklanjanje posljedica više sile.

Ukoliko slučaj više sile bude trajao duže od 10 dana, ugovorne strane će se sporazumijeti o daljnoj sudbini Ugovora. Ukoliko se ugovorne strane ne sporazumiju o sudbini ugovora, ugovorna strana kod koje nije nastupila viša sila ima pravo na raskid ugovora pošto o tome pismeno obavijesti drugu ugovornu stranu.

TRAJANJE UGOVORA

Član 19.

Ugovor se zaključuje na period od 1 (jedne) godine, a primjenjuje se od dana potpisivanja ugovora od strane obje ugovorne strane.

PRIMJENA ZAKONA O OBLIGACIONIM ODNOSIMA

Član 20.

Ugovorne strane su saglasne sa primjenom odredbi Zakona o obligacionim odnosima i to u pogledu prava, obaveza i odnosa koji nisu regulisani odredbama ovog ugovora, a koji nastanu u vezi i povodom izvršenja ovog ugovora.

RJEŠAVANJE SPOROVA

Član 21.

Sve eventualne sporove i nesporazume koji bi mogli nastati iz ovog ugovora ili povodom ovog ugovora, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1. ovog člana, ugovara se nadležnost suda u Sarajevu, Bosna i Hercegovina, uz primjenu pozitivnog prava Bosne i Hercegovine.

Ukoliko Dobavljač ne bude zadovoljavao kvalitetom isporučenih roba tokom ugovorenog perioda, te ukoliko dođe do kršenja odredbi ugovora, Kupac stiče pravo na jednostrani raskid ugovora uz otkazni rok od 30 (trideset) dana.

Raskid ugovora vrši se u pisanoj formi.

OSTALE ODREDBE

Član 22.

Dobavljač nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 23.

Izmjene i dopune ovog ugovora mogu se vršiti samo pismenim putem. Bit će punovažne i obavezivati će ugovorne strane samo one izmjene i dopune koje su sačinili sporazumno u pismenoj formi.

Član 24.

Ovaj Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

D o b a v l j a č:
„Messer Tehnoplín“ d.o.o. Sarajevo

DIREKTOR
Valentin Ilievski


Broj: 2-069-501
Sarajevo, 11.05.2018



K u p a c:
Javna ustanova Opća bolnica
«Prim.dr. Abdulah Nakaš»
DIREKTOR
Prim. dr. Zlatko Kravić

Zlatko Kravić

Broj: 3499-18/18
Sarajevo, 10.05.2018.god.



Ilievski